

詩傳名物集覽

四





詩傳名物集覽

(四)

陳大章著

編主五雲王

編初成集書叢

詩傳名物集覽  
四冊

中華民國二十六年六月初版

著者 陳大章

發行人 王雲五  
上海河南路

印刷所 商務印書館  
上海河南路

發行所 商務印書館  
上海及各埠

徐

◆ E 九九四

# 詩傳名物集覽卷十

草

菁菁者莪

朱傳莪蘿蒿也。爾雅莪蘿陸疏莪蒿也。生澤田漸洳之處。葉似邪蒿而細。科生。三月中莖可生食。又可蒸香美味。頗似萑蒿。廣志莪蒿。蘆蒿。唐本草注。葉似白蒿。花如瞿麥。紅亦可愛。子似王不留行。黑色。作角。七八月採。蜀本圖經。葉似蛇牀。青蒿等。子角似蔓青。實黑。秋熟。所在皆有之。陳藏器云。蘆蒿生高岡。宿根先于百草。衍義角蒿莖葉如青蒿。開淡紅紫花。花大約徑三四分。花罷結子。長二寸許。微彎。埤雅莪又曰角蒿。蒿之言高也。菁菁者莪。在彼中阿。喻人君長育人材。猶大陵長育微草也。小雅蓼蓼者莪。匪莪伊蒿。喻父母生我。以爲美材。可賴以終身。今乃不得其養以死也。釋蟲曰。蛾。蘿也。釋草又曰。莪。蘿也。蓋蛾所以生蠶。莪亦所以覆而出之。此義亦謂之蘿。歟。字說莪以科生。而俄詩曰。匪莪伊蒿。匪莪伊蔚。莪俄而蒿直。蔚蘼而莪細。育材之詩。止言莪者以此。通雅莪卽蘆蒿。嫩時可啖。以結角故曰角蒿。

薄言采芑

朱傳芑苦菜也。青白色。摘其葉有白汁出。脆可生食。亦可蒸爲茹。卽今苦蕒菜。宜馬食。軍行采之。人馬皆可食也。陸疏芑菜似苦菜。青州人謂之芑。西河雁門芑尤美。本草野苦蕒五六回拘後。味甘滑于家苦蕒。

廣要朱傳云。苦菜。陸云。似苦菜。則又一種矣。顏氏家訓。江南別有苦菜。葉似酸漿。其花或紫或白。子大如珠。熟時或赤或黑。此菜可以釋勞。郭景純注爾雅云。此乃職黃蔞也。今河北謂之龍葵。梁世講禮者。以此當苦菜。無宿根。至春子方生。旣云可以釋勞。宜乎人馬皆可食。又云。至春方生。似合軍行之時。或青州雁門以爲芑。江南無其名耶。又山海經。東始之山。有木狀如楊。赤理。汁如血。不實。名曰芑。可以服馬。郭注。以汁塗馬。則馬調良。

## 食我場藿

朱傳。藿猶苗也。爾雅。藺鹿藿。其實菹。注。鹿豆根黃而香。蔓延生。說文。藿。未之少也。公食禮。鉶芼牛藿。注云。藿。豆葉也。詩。緝。豆葉用以作羹。或曰。藿者苗之總名。然苗雖言草之始生。而藿則有所指。如豆葉曰藿。鹿藿。九草之一。非凡始生者皆稱藿也。又音髓。草木華敷貌。藿藿霍通。淮南招隱。青松雜樹兮。蘋草藿靡。又漢鮑宣傳。酒漿霍肉。又藥名藿香。說文。又以藿爲鹿藿。一曰蒯屬。徐鍇曰。說文誤合而論之。藿乃苞聲。母子皆名藿。葛一名鹿藿。白葛亦名白兔藿。則知藿爲苗之總名也。藿讀整。

## 無啄我粟

爾雅。薺赤苗。芑白苗。注。薺。赤梁粟也。芑。白梁粟也。又曰。粢。稷也。注。今江東呼粟爲粢。孫炎曰。稷。粟也。說文。粟。禾子嘉穀實也。粟之爲言續也。江東人呼爲粢。禮記。獻粟者執左契輪。又求仁者之粟以祀之。周禮。倉人掌粟入之藏。注。九穀俱藏。以粟爲主。左傳。鄭饑未及麥。子展命餽國人粟。戶一鍾。又晉饑。秦輸粟于晉。

自雍及絳相繼。命曰汎舟之役。周書神農之時。天雨粟。神農耕而種之。隰朋曰。粟內甲以處中有卷。城外有兵刃。未敢自恃。自命曰粟。周禮旅師掌聚野之鋤粟。屋粟。閒粟。而恤民之艱厄。春頒而秋斂之。春秋說題辭。粟助陽扶性。一變而以陽生爲苗。二變而秀爲禾。三變而粲然謂之粟。四變入臼。米出甲。五變而烝飯可食。陽以一立爲法。故粟積一大分。穗長一尺。西者金所立。米者陽精。故西字合米而爲粟。楊泉物理論。凡種有彊弱。土有剛柔。土宜彊。高莖而疏粟。長穗而大粒。呂氏春秋飯之美者。不周之粟。又曰。山陽之稌。稌。粟也。古今注曰。麋稌也。後漢書曰。烏丸國其地宜稌。羅氏曰。古不以粟爲穀之名。但米之有稗。穀者皆稱粟。今人以穀之最細而圓者爲粟。則稌是其類。廣記有赤粟。白莖粟。黑粟。張公班粟。又有龍爪粟。俗呼鴨爪稗。一名穆子。音衫。味澀甘無毒。補中厚胃。仁山金氏云。呂氏書說有穀曰粟。無穀曰米。按粟卽所謂穀也。古人米與穀兼積。米切用而易腐。穀氣全而可久。緩急兼儲。後世軍儲獨以米。故久卽不可食。本草粟米味鹹。主養腎氣。去脾胃中熱。益氣。陳者味苦。主胃熱消渴利小便。唐本注。粟類多種。而並細于諸梁。北土常食。與梁有別。賈誼新書。鄒穆公令食鳧雁。必以粃。無敢以粟。于是求易于民。二擔粟一擔粃。吏請以粟食之。公曰。粟米人上食也。柰何以養鳥。且汝知小計。而不知大害。商君書。金一兩生境內。粟一十二擔。死境外。粟一十二擔。生境內。金一兩。死于境外。國好生粟于境內。金粟兩生。倉府兩實。國彊。王子年拾遺記。東極之東有瓊脂粟。白如玉。柔滑如膏。有龍枝粟。枝屈曲似游龍。有鳳冠粟。如鳳之冠。有雲渠粟。叢生葉似芙蕖。又圓嶠山有不周粟。稔高五丈。其粒皎然如玉也。穀譜。粟米之連殼者。本五穀之一。梁屬

也。今以脫殼者爲粟米。一曰小米粟。古文作𥽿。象穗在禾上之形。蓋粱之細者。青粱穀穗有毛。粒青。米亦微青。而細于黃白粱。穀粒似青稞而少麤。夏月食之極清涼。作餲清白勝餘米。早則有趕麥黃。八月黃。老軍頭之類。晚則有雁頭青。寒露粟。鐵鞭頭之類。齊民要術云。粟成熟有早晚。苗稈有高下。收穫有多寡。性質有彊弱。滋味有美惡。順天時。量地力。則用力少而成功多也。李時珍云。古者以粟爲黍稷稻粱之總稱。後人乃專以粱之細者名粟。故唐孟詵言。人不識粟。要之粘者爲秬。不粘者爲粟。因呼粱爲秬粟。以別秠而配秠。此北人之所謂小米也。

## 言采其蓬

朱傳蓬。牛薺惡菜也。今人謂之羊躑菜。箋。牛薺也。仲春時生。可采。郭云。今江東呼草爲牛薺者。高尺餘許。方莖。葉長而銳。有穗。穗間有華。華紫縹色。可淋以爲飲。疏。縹青白色。淋以水沃也。陸疏。今人謂之羊躑。似蘆菹而莖赤。薺爲茹滑美。多啖令人下氣。幽州人謂之蓬。鄭漁仲云。薺卽羊躑菜。張揖云。莖羊躑。本草羊躑一名東方宿。一名連蟲陸。一名鬼目。一名蓄。陶隱居云。今人呼秃菜。卽蓄音之譌。詩云。言采其蓄是也。圖經。生下溼地。春生。苗高三四尺。葉狹長。頗似蒿。而色深。莖節間紫赤。花青白。成穗子三棱。若堯蔚。夏中卽枯。根似牛蒡而堅實。詩言采其蓬。或作蓄。又一種極相類。而葉黃味酢。名酸模。爾雅所謂蕒蕒蕒。郭璞所云似羊躑。一名蓀是也。衍義。蓬葉如菜中菠薐。但無岐而色差青白。葉厚。花與子亦相似。本草綱目。蓬莖音逐蕩。言能去水氣。治十種水病。說文。葛草。枝枝相對。葉葉相當。長箋引釋氏沙羅。以葛爲端正樹。



雖從草實樹也。備考云：史記飲葇蕒藥，葇爲毒草，皆傳會不經語。名物疏箋云：遂，牛薺。爾雅云：藟，牛薺。則遂卽是藟。孔疏云：釋草無文，非也。孫炎注爾雅云：車前草一名牛薺。考車前本草五名，不云牛薺。孫說誤。圖經云：薺，陸俗名葇柳根。咸陽山谷處處有之，苗高三四尺，葉青如牛舌而長，莖青赤，至柔脆。夏秋間紅紫花，根如蘆菔而長如人形者，用之有神。爾雅謂之遂，廣雅謂之馬尾，易謂之葇陸，皆卽此薺。陸也有赤白二種。易曰：葇陸夫夫，葇與陸皆陰類也。或曰：此卽葇陸。今俗名葇柳根，又名夜呼，莫知其義。荆楚歲時記：三月三日，杜鵑初鳴，田家候之。此鳥鳴盡夜口赤，上天乞恩，至葇陸子熟乃止。然則葇陸子未熟以前，爲杜鵑夜鳴之候，故曰夜呼。又鄭樵通志指遂爲爾雅之菲及蕒，誤。

### 言采其薺

朱傳：薺，惡菜也。箋：薺亦仲春時生，可采。爾雅：薺，薺。郭云：大葉白華，根如指，正白可啖。又云：薺，薺茅。疏：薺與薺茅，一草也。華白者卽名薺，華赤者別名薺茅，亦猶陵苕華，黃白異名也。廣雅：烏薺，薺也。陸疏：河內謂之葇，幽州謂之燕薺，一名薺。其根正白，宜著熱灰中，溫噉之，饑歲可烝茹以禦飢。漢祭甘泉或用之。或云：花葉有兩種，一種葉細而花赤，有臭氣，一種葉大而花白，復香。風土記：薺蔓生，被樹而升，紫黃色，大如牛角，二三同蒂，長七八尺，甜味如蜜。按郭邢以華白者曰薺，赤者曰薺茅。博雅以爲薺，薺戴侗以薺之蔓卽木通。據爾雅曰：薺，薺。又曰：薺，薺茅。無惡草薺陸之說，則毛鄭之言恐未可信。而陸疏風土記爲差近矣。合溪云：其蔓卽木通，此正名通草，而俗所謂妝花之通草，則通脫木也，未知然否。



## 田卒汚萊

朱傳。汚。停水也。萊。草穢也。孔疏。汚。停水之名。禮記曰。汚其宮而瀦焉是也。萊。孔疏。田廢生草謂之萊。萊音賚。泰韻。周禮。上地田百畝。萊五十畝。中地田百畝。萊百畝。楚茨序。田萊多荒是也。遂人注云。萊。休不耕者。又除草亦曰萊。地官山虞。大田獵則萊山田之野。注。萊。除草萊。蓋猶載柞之爲去木也。吳棫曰。萊。夫須也。不知夫須乃南山有臺之臺。與萊迴別。

## 匪莪伊蔚

朱傳。蔚。牡蒿也。三月始生。七月始華。如胡麻華而紫赤。八月爲角。似小豆角銳而長。爾雅。蔚。牡蒿。某氏曰。江河間曰葍。刑氏曰。蔚。卽蒿之雄無子者。陸疏。牡蒿也。一名馬新蒿。本草。馬先蒿。陶隱居云。一名爛石草。唐本注云。葉如莞蔚。紅白色。實八月九月熟。俗謂之虎麻。莞蔚苗短小。子夏中熟。而初生二種極相似。陸佃云。蔚。大于蒿。羅氏曰。蔚。無子者。今青蒿葉端皆作子如米大。蔚獨無耳。詩緝云。爾雅。繁之醜。秋爲蒿。蔚卽蒿之大者。莪。莖可生食。烝食香美。至秋則變爲蒿。蔚矣。蔚古人皆以爲無子。故曰牡蒿。而本草注云。八月九月有實。圖經云。入藥當用有子者爲正。未知何以矛盾。通雅。蔚爲牡蒿。卽齊頭蒿也。甚臭。曰馬矢蒿。譌爲馬先。又譌爲馬新。

## 是剝是菹

朱傳。菹。酢菜也。毛傳。剝。瓜爲菹也。疏。以米粒和醢漬菜也。鄭箋。剝。削淹漬以爲菹。貴四時之異物。禮祭義。

水草之菹。陸產之醢。周禮。醢人掌四豆之實。王舉共醢。以七菹實之。注。韭、菁、茆、芹、筍、菁、蔓菁、茆、鳧葵、筍、箭、萌、筍、竹、萌也。禮記。恆豆之菹。水草之和氣。孔疏。周禮。場人祭祀供果蔬。是祭必有瓜菹。醢人豆實無瓜菹者。文不具。采蘋傳。公侯夫人執蘋菜以助祭。王后則苾菜。菹通作菹。又澤生草曰菹。淮南子。懲沸羹者吹冷齏。冷齏夜話。菹爲百歲羹。言雖至貧亦能具。百歲可長享也。又淹韭曰齏。淹菹曰醢。菹亦韭類。齊民要術。仲冬菜經霜如蕪青葵等。雜乾之。並爲鹹菹。得其和者。作金釵色。南人作鹹菹。以糯米絲擣爲末。研胡麻和釀之。菹既甜肥。汁亦酸美。

### 蔦與女蘿

朱傳。蔦寄生也。葉似當盧。子如覆盆子。赤黑甜美。爾雅。寓木宛童。郭云。寄生樹。一名蔦。陸疏。本草。桑上寄生。其實明目。輕身通神。一名寄屑。一名寓木。一名宛童。一名蔦。生弘農川谷桑樹上。三月三日。採莖葉陰乾。凡桑、檺、柳、楊、楓等樹皆有之。此物自成造化之氣而生。別是一物也。陶隱居云。桑上者名桑上寄生。詩云。施于松上。方家亦用楊楓上者。各隨其樹名之。生樹枝間。寄根在皮節之內。葉圓青赤。厚澤易折。旁自生枝節。冬夏生。四月花白。五月實赤。大如小豆。蘇恭云。此多生檺、檺、柳、水楊、楓等樹上。子黃。大如小棗。實。九月始熟。陶說非也。圖經云。寄生云是烏鳥食物。子落枝節間。感氣而生。葉似橘而厚。輒莖似槐枝而肥。三四月開花。黃白色。六七月結實。黃色。如小豆。女蘿。朱傳。兔絲也。蔓連草上。黃赤如金。釋文。在草曰兔絲。在木曰女蘿。毛傳。女蘿兔絲。松蘿也。陸疏。今合藥兔絲子是也。非松蘿。松蘿自蔓松上生。枝正青。與

兔絲殊異。本草：松蘿一名女蘿。生熊耳山川谷松樹上。五月採。藥性論：松蘿能治寒熱吐客痰。名物鈔：菟絲名女蘿。爾雅所云是也。松蘿亦名女蘿。博雅及本草所云是也。古詩云：與君爲新婚。兔絲附女蘿。李善云：二者異草。毛公誤合爲一。此詩女蘿施松。自是松蘿耳。與兔絲了無涉。釋文云：在草曰兔絲。在木曰女蘿。亦非。蓋兔絲蔓延于木也。舊說上有兔絲。下必有伏菟之根。無此菟在下。則絲不得生乎上。然其實不屬也。淮南子曰：下有伏苓。上有兔絲。詩曰：蔦與女蘿。施于松柏。言蔦之爲物寄生。而女蘿浮蔓。尙得施于松柏。可以人而不如乎。且姓同本而生。族同支而出。尤與寄生浮蔓者異矣。故以此較正。又曰：兔絲無根而生。蛇無足而行。魚無耳而聽。蟬而口而鳴。皆自然者也。爾雅：翼女蘿。兔絲實二物也。皆附木上。蔦寄生也。葉似當盧。子如覆盆子。赤黑甜美。廣雅云：女蘿。松蘿也。菟丘。菟絲也。本是兩物。今女蘿正青而長。無雜蔓。故山鬼云：被薜荔兮帶女蘿。蘿青而長如帶也。何與兔絲事。然兩者皆附木。或有時相蔓。亦未可知。古樂府云：南山幕幕兔絲花。北陵青青女蘿樹。由來花樹同一根。今日枝條分兩處。唐樂府亦云：兔絲故無情。隨風任顛倒。誰使女蘿枝。而來彊縈抱。兩草猶一心。人心不如草。則古今多知爲二物矣。博物志：魏文帝記諸物似亂者。女蘿寄生兔絲。兔絲寄生木上。根不著地。正此義也。廣要：爾雅：埤雅及郭鄭諸家俱以爲一物。異名陸氏云：女蘿非松蘿。本草分兔絲入草部。松蘿入木部。與陸氏合。然又云：松蘿一名女蘿。何耶。

言采其芹

朱傳。片。水草可食。鄭箋。片。菜也。可以爲菹。采其水中者。尙潔清也。爾雅。片。楚葵。注。今水中片菜。本草。水芹。味甘平。養精益氣。一名水英。陶隱居云。二三月作英時。可作菹及熟淪食之。又有渣芹可生噉。別本注云。芹有兩種。青芹取根。白色。赤芹取莖葉。並堪作菹。圖經云。生水中。葉依芎藭花。白色而無實。根亦白色。孟詵云。水芹置酒漿中香美。高田者名白芹。周禮。醯人加豆之實。芹菹兔醢。呂氏春秋。菜之美者。雲夢之芹。晉書。立春日。以芹芽蘆菹爲菜盤相饋。埤雅云。芹潔白而有節。其氣甚芬芳。而味則不如蓴之美。故列子以爲客有獻芹者。鄉豪取而嘗之。蜚于口。慘于腹也。又野人食芹而美。獻之君。蔬譜。一種黃花者。毛芹也。有毒殺人。三八月食芹。已蛟龍病。舊說陸地亦生芹。名旱芹。色味並同。又一種馬芹。爾雅。菱牛蘄。郭注。似片。明與片不同類。羅願合片蘄爲一。非也。况片各方皆生。謂以蘄得名尤謬。又片一作萍。晉石崇傳。每冬得韭萍蘄。萍卽片也。亦作莛。陸德明曰。古作蘄。舊注不知片有所勤二音。萍莛並音勤。萍音其汎云。水草分萍萍爲二物。誤。

### 終朝采綠

朱傳。綠。王芻也。淇澳毛傳。綠。王芻。孔疏。鹿藿也。郭云。藿也。今呼鷓鴣腳沙。本草唐注。藿草葉似竹而細薄。莖亦圓小。生平澤溪澗之側。荆襄人煮以染黃色。極鮮好。洗瘡有效。雅翼。本草名藿草。俗亦呼淡竹葉。所謂終朝采綠者。上林賦稱香草云。掩以綠蕙。被以江離。張揖亦以綠爲王芻。則藿草香也。而離騷云。餐藿施以盈室。以三者皆惡草。詩緝。王芻易得之草。卽藿藿也。陸疏。其莖葉似竹。青綠色。高數尺。今淇澳旁生如

草澀礪可以洗笏及盤枕。利于刀錯。俗呼爲木賊。彼土人謂爲綠竹。據此菴蓐與綠竹別。詩綠譌作菴。諸家誤以菴竹爲草名。說文長箋云。當卽竹也。草中之王。故曰王芻。按菴非竹。唐本草明言似竹而細。箋未深考耳。通雅曰。似竹之草非一。綠亦一種。卽說文之葍。漢書螭綬。晉灼注。螭草出瑯琊。似艾可染也。葍乃綠字音轉。今北人呼綠爲葍。古者貢草入染人。故謂之王芻。又曰。葍草菴蓐草。卽篇竹也。按說文。葍草可以染留黃。言間色也。古樂府中婦被留黃。卽此一作流黃。

終朝采藍

朱傳。藍。染草也。爾雅。葍馬藍。郭云。今大葉冬藍也。疏。今爲澱者是。夏小正。五月啓灌藍。蓐。啓者別也。陶而疏之也。灌者。叢生者也。記時也。禮記。仲夏令民毋刈藍以染。注。藍色青。青者赤之母。刈之傷時氣也。此月藍始可別。荀子。青出于藍。而青于藍。冰水爲之。而寒于水。漢記曰。欲以素絲之質。埶近朱藍。又蓐中之蟲。豈知藍之甘乎。精微論曰。赤欲如白。裏朱不欲如赫。青欲如蒼壁之色。不欲如藍。鄭樵曰。藍有三種。蓐藍染綠。大藍如芥。染碧。槐藍如槐。染青。三者皆可爲澱。蘇恭云。藍實有三種。一種圍徑三寸許。厚三四分。出嶺南。名木藍子。菴藍堪切爲澱。本草經所用。乃是蓐藍實。其苗似蓐而味不辛者。菴藍惟堪染青。蓐藍不堪爲澱。惟作碧色。圖經。藍實人家蔬圃中作畦種。蒔三四月生。苗高二三尺。葉似水蓐。花紅白色。實亦若蓐子而大。黑色。五六月採實。卽蓐藍也。菴藍卽爾雅所謂馬藍。又福州有一種馬藍。四時俱有。江寧有吳藍。二三月生。如蒿葉青。花白。四民月令。榆莢落時可種藍。五月可刈藍。六月可種冬藍。漢官儀。蓐藍供染。

綠紋綬。蓼小藍也。齊民要術種藍一同蓼法。藍三葉澆之。薺治令淨。五月中新雨後。卽拔栽之。故夏小正曰。五月蓄蘭。灌沐藍。蓼灌澆灌也。沐剉沐也。綠可以染黃。藍可以染青。皆婦人致飾之物也。卉譜藍有數種。大藍葉如蒿。莖而肥厚。微白。似擘藍色。小藍莖赤。葉綠而小。槐藍葉如槐葉。皆可作靛。至秋煮熟。染衣正用小藍。又一種擘藍。一名芥藍。葉色如藍。芥屬也。南方謂之芥藍。葉可擘食。故北方謂之擘藍。葉大如菘。可作菹。又可作靛。染帛勝福。青李氏本草云。藍有五種。各有主治。惟藍實專取之。蓼藍其葉如蓼。五六月開淺紅花。子亦如蓼。歲可三刈。菘藍葉如白菘。馬藍葉如苦蕒。卽郭氏所謂大葉冬藍者。俗謂之板藍。二藍花子竝如蓼。吳藍長如蒿。花白。木藍長莖如決明。高者三四尺。分枝布葉如槐。淡紅花。結角寸許。纍纍如小豆角。諸藍不同。以之作澱一也。別有甘藍。河東隴西種食之。甚香。蘇恭之所云木藍。乃馬藍也。蘇頌之所謂馬藍。乃菘藍也。寇宗奭又以蓼藍實爲大葉藍之實。竝誤。通雅紅藍卽紅花。北方有焉。支山多紅藍。北人采其花爲臙肢。故單于號其妻爲閼氏。音焉支。博物志張騫得種于西域。一曰黃藍。苕之華。

朱傳苕陵苕也。本草云。卽今之紫葳。蔓生附于喬木之上。其華黃赤色。一名凌霄。爾雅苕陵苕。黃華蓼。白華苳。郭璞曰。一名陵時。鄭箋云。陵苕之華紫赤而繁。陸璣亦言其華紫色。而此云黃白者。蓋就紫色中有黃紫白紫耳。及其將落。則全變爲黃。故詩曰。芸其黃矣。陸璣云。一名鼠尾。生下溼水中。七八月中花。紫似今紫草。可染阜。煮以沐髮。卽黑。葉青如藍。而多華。廣志苕草色青黃。紫華。十一月稻下種之。蔓延盛茂。可

以美田。葉可食。本草紫葳一名陵苕。一名茺華。生西海川谷及山陽。圖經云。凌霄花也。多生山中。人家園圃亦或種蒔。初作藤。蔓生依大木。歲久延引至巔而有華。其華黃赤。夏中乃盛。雅翼此華亦彌絡石壁。盛夏視之如錦繡。不可仰望。露滴目中有失明者。卉譜凌霄野生者。蔓纔數尺。得木而上。卽高數丈。蔓閒鬚如蝎虎足。坵樹上甚堅牢。久者藤大如盃。春初生枝。一枝數葉。尖長有齒。深青色。開花一枝十餘朵。大如牽牛花。頭開五瓣。赭黃色。有數點。夏中乃盈。深秋更赤。八月結莢如豆角。長三寸許。秋深采之。名物疏。陵苕卽凌霄也。陸疏以爲鼠尾。爾雅云。薊鼠尾。注云。可以染阜。本草經云。鼠尾草有白華者。赤華者。一名薊。一名陵翹。生平澤中。四月採葉。七月採華。陶隱居云。田野甚多人採作滋染阜。圖經云。苗如蒿。夏生。莖端作四五穗。穗若車前。與陸說生下溼。七月華可染阜者相似。則陸誤以陵苕爲鼠尾矣。又或以紫葳爲瞿麥根。瞿麥卽爾雅所謂大菊蘧麥。亦非也。陵苕斷卽女葳。陸疏全繆不可从。

何草不黃

說文。草百艸也。從二艸。又云。草斗櫟實也。一曰。象斗子。徐鉉曰。今俗以此爲艸木之艸。別作阜字。爲黑色之阜。按櫟實可以染帛爲黑色。故曰阜。通用爲草櫟字也。爾雅。卉草。疏別二名也。又云。薊。薊。華。榮。疏別艸木榮華之異名也。又云。茺根。櫟橐含。木謂之華。艸謂之榮。不榮而實謂之秀。秀而不實謂之英。方言。蘇芥。艸也。江淮楚南之間曰蘇。自關而西或曰艸。或曰芥。蘇。莽。艸也。東越揚州之間曰艸。南楚曰莽。易。天地變化。草木蕃。又天造草昧。禹貢。兗州厥草惟繇。徐州草木漸包。揚州厥草惟夭。洪範。庶草蕃廡。大戴禮云。



孟春冰泮百草權輿周官薤氏掌殺草春始生而萌之夏至日而夷之冬至日而耜之若欲其化也則以水火變之禮記孟春草木萌動季春生氣方盛句者畢出萌者盡達孟夏靡草死季夏大雨時行燒薤行水利以殺草季秋草木黃落又腐草化爲螢祭統嘗之日草艾則墨未發秋政則民弗敢草也注因其枯槁之時艾以給爨艾草謂之草猶采桑謂之桑不曰艾草而曰草艾者草自可艾也艾音刈與刈同墨則五刑之輕者言草艾行墨刑也展禽曰春風鼓百草敷蔚吾不知其茂也秋霜降百草零落吾不知其枯也左傳僖三十三年隕霜殺草記異也又蔓草猶不可除又一薰一蕕十年尚猶有臭注薰香草蕕臭草言不可同器也淮南子醴泉生皇華皇華生庶草師曠占云歲欲豐甘草先生薺也歲欲苦苦草先生蒺藜也歲欲疫病草先生艾也博物志天老曰太陽之草名黃精餌之可以得長生太陰之草名鉤吻食之入口立死人能信鉤吻之殺人不信黃精之益壽不亦惑乎字通按艸草二字經史互見義通漢書晁錯傳少茅臣無識知董仲舒傳朱少生古草艸少合爲一又櫟實之草從阜草木之草通作草舊說繁碎不可從

### 縣縣瓜瓞

朱傳大曰瓜小曰瓞瓜之近本初生者常小其蔓不絕至末而後大也爾雅瓞瓞其紹瓞舍人曰瓞名瓞小瓜也紹繼謂瓞子漢中小瓜曰瓞孫炎曰瓞小瓜子如瓞其本子小紹先歲之瓜曰瓞說文曰瓞也與瓞同邢昺曰瓜本有二種大者瓜小者瓞而瓜蔓近本之瓜必小于先歲之大瓜以其小如瓞故謂之瓞

飈是飈之別名。又地芝瓜也。其子謂之飈。詩傳。小瓜連大瓜在枝間。以喻子孫承嗣也。

堇菜如飴

朱傳。堇。烏頭也。爾雅。芟堇草。郭云。卽烏頭也。江東呼爲堇。晉靳。晉語。驪姬置鴆于酒。置堇于肉。賈逵曰。堇。烏頭也。國策。人之飢所以不食烏喙者。以其雖偷充腹。而與死同患也。廣雅。附子一歲爲葍子。二歲爲烏喙。三歲爲附子。四歲爲烏頭。五歲爲天雄。本草。烏頭與附子同根。形似烏鳥之頭。蜀人謂烏頭苗爲堇草。冬採爲附子。春採爲烏頭。味辛甘溫。大熱。有大毒。一名奚毒。一名卽子。一名烏喙。陶隱居云。春時莖初生。有腦形。似烏鳥之頭。故謂之烏頭。有兩岐共蒂。狀如牛角。名烏喙。喙卽鳥之口也。吳氏本草。烏頭一名葍。一名千秋。一名毒公。一名果負。一名耿子。禹錫等云。正月始生。葉厚。莖方中空。葉四面相當。與蒿相似。圖經。烏頭。烏喙。天雄。附子。葍子。都是一種。苗高三四尺。莖四棱。葉如艾。花紫碧。色作穗。實小。黑如桑椹。本只種附子。熟後有四物。長二三寸。爲天雄。附子。旁尖。牙角爲葍子。絕小者亦名葍子。元種者爲烏頭。其餘大小皆爲附子。毛傳。堇菜也。詩緝。郭氏謂堇卽烏頭。則與鴆毒同類。非茶菜可食之類矣。茶雖苦。得霜甜脆。故可言如飴。烏頭毒物不可食。何由知其如飴乎。毛氏以堇爲菜。不言毒物。內則。堇。荳。粉榆。注云。荳似堇。而葉大。公食禮。鉶。芼皆滑。注云。滑。堇。荳之屬。說文。堇根如薺。葉如細柳。烝食之甘。爾雅。齧苦堇。郭云。今堇葵也。葉似柳。子如米。洎食之滑者。又一種紫堇。名赤芹。亦名楚葵。寶藏論云。赤芹生水濱。葉形似赤芍藥。上有黃斑。汁可制汞。伏硃砂。號起貧草。真君本草云。赤芹莖葉似蕎麥。根味苦酸。江淮人采苗充蔬食。本